

ՀԱՍՏԱՏՎԱԾ Է

«ԿԱՊԻՏԱԼ ԱՍԵԹ ՄԵՆԵՋՄԵՆԹ» փակ
բաժնետիրական ընկերության միակ բաժնետեր
«ԿԱՊԻՏԱԼ ԻՆՎԵՍՏՄԵՆԹՍ» ՓԲԸ-ի կողմից
(ընկերության, հրավասու մարմնի անվանումը)

25/09/ 2012թ. որոշմամբ (արձանագրություն 2012-9)

Փոփոխված է «ԿԱՊԻՏԱԼ ԱՍԵԹ ՄԵՆԵՋՄԵՆԹ» ՓԲԸ
միակ բաժնետեր «ԿԱՊԻՏԱԼ ԻՆՎԵՍՏՄԵՆԹՍ» ՓԲԸ
06/03/2013 թ.-ի բաժնետերերի արտահերթ ընդհանուր
ժողովի թիվ 06.03.13-02 որոշմամբ
(հրավասու մարմնի անվանում)

Փոփոխված է «ԿԱՊԻՏԱԼ ԱՍԵԹ ՄԵՆԵՋՄԵՆԹ» ՓԲԸ
միակ բաժնետեր «ԿԱՊԻՏԱԼ ԻՆՎԵՍՏՄԵՆԹՍ» ՓԲԸ
30/06/2015 թ.-ի բաժնետերերի տարեկան ընդհանուր
ժողովի թիվ 30.06.15-02-Լ որոշմամբ
(հրավասու մարմնի անվանում)

Ջիամար Գորգուչյան
(հրավասու անձի պաշտոնը)

Արմեն Կարամյան
(ստորագրություն)



ԿԱՆՈՆԱԴՐՈՒԹՅՈՒՆ

«ԿԱՊԻՏԱԼ ԱՍԵԹ ՄԵՆԵՋՄԵՆԹ»

փակ բաժնետիրական ընկերության

ՆԱԽԱԲԱՆ

Սույն փաստաթուղթը հանդիսանում է «ԿԱՊԻՏԱԼ ԱՍԵՏ ՄԵՆԵՋՄԵՆՏ» փակ բաժնետիրական ընկերության կանոնադրությունը և ընդունվում է Հայաստանի Հանրապետության Քաղաքացիական օրենսգրքի, «Բաժնետիրական ընկերությունների մասին» Հայաստանի Հանրապետության օրենքի, «Արժեթղթերի շուկայի մասին» Հայաստանի Հանրապետության օրենքի և «Ներդրումային ֆոնդերի մասին» Հայաստանի Հանրապետության օրենքի համաձայն:

I. ԸՆԴՀԱՆՈՒՐ ԴՐՈՒՅԹՆԵՐ

1. «ԿԱՊԻՏԱԼ ԱՍԵՏ ՄԵՆԵՋՄԵՆՏ» փակ բաժնետիրական ընկերությունը (այսուհետև՝ Ընկերություն) ներդրումային ֆոնդի կառավարման գործունեություն իրականացնող և առևտրային կազմակերպություն հանդիսացող տնտեսական ընկերություն է, որի կանոնադրական կապիտալը բաժանված է Ընկերության նկատմամբ բաժնետերերի պարտավորական իրավունքը հավաստիացնող և սույն կանոնադրության 10 կետով սահմանված թվով բաժնետոմսերի:
2. Ընկերության ֆիրմային լրիվ անվանումն է՝
հայերեն՝ «ԿԱՊԻՏԱԼ ԱՍԵՏ ՄԵՆԵՋՄԵՆՏ» փակ բաժնետիրական ընկերություն
ռուսերեն՝ Закрытое акционерное общество “КАПИТАЛ АСЕТ МЕНЕДЖМЕНТ”
անգլերեն՝ Closed Joint Stock Company “CAPITAL ASSET MANAGEMENT”

Ընկերության կրճատ ֆիրմային անվանումն է՝
հայերեն՝ «ԿԱՄ» ՓԲԸ
ռուսերեն՝ ЗАО “KAM”
անգլերեն՝ CJSC “CAM”
3. Ընկերության գտնվելու վայրն է՝ Հայաստանի Հանրապետություն, ք. Երևան 0010, Խորենացու փողոց, 15 շենք, 2-րդ հարկ, գրասենյակ 5:
4. Ընկերությունը գործունեություն է իրականացնում բացառապես Հայաստանի Հանրապետության կենտրոնական բանկի կողմից տրված ներդրումային և կենսաթոշակային ֆոնդերի կառավարման լիցենզիայով և թույլտվությամբ նախատեսված գործունեություն:
5. Հայաստանի Հանրապետության կենտրոնական բանկի կողմից տրված թույլտվության հիման վրա Ընկերությունը կարող է նաև իրականացնել «Արժեթղթերի շուկայի մասին» ՀՀ օրենքով սահմանված արժեթղթերի փաթեթի կառավարում և որպես լրացուցիչ ծառայություններ՝
 - 1) «Արժեթղթերի շուկայի մասին» Հայաստանի Հանրապետության օրենքի 25-րդ հոդվածի 1-ին մասի 3-րդ կետով սահմանված խորհրդատվության տրամադրում՝ կապված իր կողմից կառավարվող արժեթղթերում ներդրումների հետ, և
 - 2) փայերի կամ ֆոնդի բաժնետոմսերի պահառություն:
6. Ընկերությունն իրավաբանական անձ է, ունի ինքնուրույն հաշվեկշիռ, իր անվանմամբ կլոր կնիք՝ հայերեն և անգլերեն լեզուներով, դրոշմեր, ձևաթղթեր և կնիքներ՝ այդ թվում համարակալված: Ընկերությունը կարող է ունենալ օրենքով սահմանված կարգով գրանցված ապրանքային և սպասարկման նշաններ: Ընկերությունն իր անունից կնքում է պայմանագրեր, ձեռք է բերում գույքային և անձնական ոչ գույքային իրավունքներ, կրում է պարտավորություններ, կարող է հանդես գալ դատարանում որպես հայցվոր կամ պատասխանող: Ընկերությունն իր գործունեությանը համապատասխան իրականացնում է իր գույքի տիրապետումը, օգտագործումը և տնօրինումը: Ընկերությունն իր պարտավորությունների համար պատասխանատվություն է կրում սեփականության իրավունքով իրեն պատկանող ամբողջ գույքով, բացառությամբ ՀՀ քաղաքացիական օրենսգրքով նախատեսված դեպքերի:
7. Ընկերությունն իրավունք ունի օրենքով սահմանված կարգով դրամական, արժեթղթերի և այլ հաշիվներ բացել Հայաստանի Հանրապետության և օտարերկրյա պետությունների բանկերում, պահառու կազմակերպություններում կամ դեպոզիտարիաներում:
8. Ընկերությունը պատասխանատվություն չի կրում իր բաժնետերերի պարտավորությունների համար: Ընկերության բաժնետերերը պատասխանատվություն չեն կրում նրա

պարտավորությունների համար և իրենց պատկանող բաժնետոմսերի արժեքի սահմաններում կրում են Ընկերության գործունեության հետ կապված վնասների ռիսկը:

9. Եթե Ընկերության անվճարունակության (սնանկության) պատճառ է հանդիսանում բաժնետիրոջ կամ այլ անձանց գործունեությունը (անգործությունը), որոնք ունեն Ընկերությանը կատարման համար պարտադիր ցուցումներ տալու իրավունք կամ Ընկերության գործունեությունն այլ կերպ կանխորոշելու հնարավորություններ, ապա Ընկերությանը պատկանող գույքը չբավարարելու դեպքում այդ բաժնետերերի կամ այլ անձանց վրա կարող է դրվել լրացուցիչ (սուբսիդիար) պատասխանատվություն՝ Ընկերության պարտավորությունների համար: Վերոհիշյալ բաժնետերերի կամ այլ անձանց գործողությունները (անգործությունը) համարվում են Ընկերության անվճարունակության (սնանկության) պատճառ միայն այն դեպքում, եթե նրանք օգտագործել են իրենց այդ իրավունքը կամ հնարավորությունները Ընկերությանը որոշակի գործողություններ կատարել կամ չկատարել պարտադրելու նպատակով, նախօրոք իմանալով, որ այդ պատճառով Ընկերությունը կհայտնվի անվճարունակության (սնանկության) վիճակում:

II. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼ ԵՎ ԴՐԱ ՓՈՓՈԽՄԱՆ ԿԱՐԳԸ

10. Ընկերության կանոնադրական կապիտալը 207'900'000 (երկու հարյուր յոթ միլիոն ինը հարյուր հազար) ՀՀ դրամ է, որը կազմում է 21'000 (քսանմեկ հազար) հատ տեղաբաշխված սովորական անվանական բաժնետոմս (այսուհետ նաև՝ բաժնետոմս), որոնց յուրաքանչյուրի անվանական արժեքը կազմում է 9'900 (ինը հազար ինը հարյուր) ՀՀ դրամ: Ընկերության տեղաբաշխված բաժնետոմսերը լրիվ վճարված են:
11. Ընկերության հայտարարված բաժնետոմսերի քանակը կազմում է 30'000 (երեսուն հազար) հատ բաժնետոմս:
12. Ընկերությունը կարող է փոփոխել (ավելացնել կամ նվազեցնել) իր կանոնադրական կապիտալի մեծությունը, որի մասին որոշումն ընդունվում է բաժնետերերի ընդհանուր ժողովի կողմից:
13. Ընկերության կանոնադրական կապիտալի չափը կարող է մեծացվել Ընկերության բաժնետոմսերի անվանական արժեքի ավելացմամբ կամ լրացուցիչ բաժնետոմսերի տեղաբաշխմամբ: Ընդ որում, Ընկերության բաժնետերերի ընդհանուր ժողովը կարող է որոշում ընդունել լրացուցիչ բաժնետոմսերի տեղաբաշխման մասին միայն կանոնադրության 11 կետում սահմանված հայտարարված բաժնետոմսերի քանակի սահմաններում: Հայտարարված բաժնետոմսերի տեղաբաշխման կարգը և պայմանները սահմանվում են այդ բաժնետոմսերի թողարկման մասին որոշմամբ: Ընկերության լրացուցիչ տեղաբաշխված բաժնետոմսերը պետք է վճարվեն դրանց տեղաբաշխման մասին որոշմամբ սահմանված ժամկետում, բայց ոչ ուշ, քան դրանց տեղաբաշխման պահից մեկ տարվա ընթացքում:
14. Ընկերության բաժնետերերը կարող են կանոնադրական կապիտալում իրենց բաժնին համապատասխան նոր բաժնետոմսերի ձեռքբերման նախապատվության իրավունքն իրականացնել բաժնետոմսերի տեղաբաշխումն սկսելու օրվանից հաշված 30 օրվա ընթացքում:
15. Ընկերության կանոնադրական կապիտալը չի կարող նվազեցվել ՀՀ կենտրոնական բանկի կողմից սահմանված նվազագույն չափից: Կանոնադրական կապիտալի նվազեցումը կարող է կատարվել՝
 - 1) բաժնետոմսերի անվանական արժեքի փոքրացմամբ.
 - 2) բաժնետոմսերի ընդհանուր քանակի պակասեցմամբ, այդ թվում՝ «Բաժնետիրական ընկերությունների մասին» Հայաստանի Հանրապետության օրենքով նախատեսված դեպքերում, դրանց մի մասի ձեռքբերմամբ և մարմամբ:

III. ԸՆԿԵՐՈՒԹՅԱՆ ԱՐԺԵԹՂԹԵՐԸ

16. Ընկերությունը կարող է թողարկել և տեղաբաշխել բաժնետոմսեր, պարտատոմսեր, մուրհակներ, ածանցյալ արժեթղթեր և օրենքով նախատեսված այլ արժեթղթեր: Ընկերության թողարկվող և տեղաբաշխվող բաժնետոմսերն ու պարտատոմսերը անվանական են և ոչ փաստաթղթային ձևի, եթե թողարկման մասին որոշմամբ այլ ձև չի նախատեսվում: Ընկերության կողմից թողարկված միևնույն տեսակի բաժնետոմսերի անվանական արժեքները պետք է լինեն միևնույնը:

Ընկերության տեղաբաշխված բաժնետոմսերը ոչ փաստաթղթային ձևի են: Բաժնետոմսն անբաժանելի է:

17. Ընկերության բաժնետոմսերի դիմաց վճարման միջոց կարող են լինել միայն դրամական միջոցները, բացառությամբ սույն կանոնադրության 28 կետով սահմանված դեպքի: Այլ արժեթղթերի դիմաց վճարման միջոց կարող են լինել գույքը, ներառյալ՝ գույքային իրավունքները, արժեթղթերը, մտավոր սեփականությունը, դրամական միջոցները: Ընկերության արժեթղթերը, որոնց դիմաց վճարումը նախատեսված է ոչ դրամական միջոցներով, դրանց ձեռքբերման ժամանակ վճարվում են լրիվ արժեքով:
18. Ընկերությունն իրավունք ունի թողարկել պարտատոմսեր և օրենքով նախատեսված այլ արժեթղթեր: Պարտատոմսերի և այլ արժեթղթերի տեղաբաշխումն իրականացվում է Ընկերության բաժնետերերի ընդահանուր ժողովի որոշմամբ, որով և պետք է սահմանվեն դրանց մարման ձևը, ժամկետները և պայմանները: Պարտատոմսերը պետք է ունենան անվանական արժեք: Պարտատոմսերը չեն կարող թողարկվել մինչև Ընկերության կանոնադրական կապիտալի լրիվ վճարումը: Ընկերությունը կարող է թողարկել միաժամանակյա, ինչպես նաև տարաժամկետ (Ընկերության կողմից սահմանված ժամկետային հաջորդականությամբ) մարման ժամկետով պարտատոմսեր: Պարտատոմսերի մարումն իրականացվում է դրամով կամ այլ գույքով՝ պարտատոմսերի թողարկման մասին որոշման համաձայն: Ընկերությունը կարող է թողարկել՝
 - 1) Ընկերության գույքի գրավով ապահովված պարտատոմսեր.
 - 2) երրորդ անձանց կողմից պարտատոմսերի թողարկման համար տրամադրված երաշխավորությամբ ապահովված պարտատոմսեր.
 - 3) առանց ապահովման պարտատոմսեր:
19. Ընկերությունը, բաժնետերերի ընդահանուր ժողովի որոշմամբ, կարող է թողարկել փոխարկվող պարտատոմսեր և այլ արժեթղթեր, որոնք տալիս են Ընկերության պարտատոմսերը և այլ արժեթղթերը բաժնետոմսերի փոխարկման կամ բաժնետոմսերի արտոնյալ ձեռք բերման իրավունք: Ընդ որում, Ընկերությունն իրավունք չունի տեղաբաշխել փոխարկվող պարտատոմսեր և այլ արժեթղթեր, եթե ըստ տեսակների և ձևերի հայտարարված բաժնետոմսերի քանակը պակաս է նշված տեսակների և ձևերի բաժնետոմսերի քանակից, որոնք անհրաժեշտ են փոխարկվող պարտատոմսերը և այլ արժեթղթերն Ընկերության բաժնետոմսերի փոխարկելու հնարավորությունն ապահովելու համար:

IV. ԸՆԿԵՐՈՒԹՅԱՆ ԲԱԺՆԵՏԵՐԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

20. Ընկերության յուրաքանչյուր բաժնետոմս տալիս է իր սեփականատեր հանդիսացող բաժնետիրոջը միևնույն իրավունքները: Ընկերության բաժնետերերն ունեն Ընկերության այլ բաժնետերերի կողմից վաճառվող բաժնետոմսերը ձեռք բերելու նախապատվության իրավունք: Եթե որևէ բաժնետեր ցանկանում է վաճառել (վաճառքի առաջարկ անել, վաճառքի կամ գնելու առաջարկ անելուն հրավիրել կամ անհատույց հատկացնել) իրեն սեփականության իրավունքով պատկանող բաժնետոմսերը, ապա նա այդ մասին ծանուցում է Ընկերությանը՝ համապատասխան գրություն ուղարկելով Ընկերության Գլխավոր գործադիր տնօրենի (այսուհետ նաև՝ տնօրեն) անունով: Գրությունը պետք է պարունակի վաճառվող բաժնետոմսերի քանակի, գնի և վաճառքի այլ էական պայմանների մասին տվյալներ: Գրությունը ստանալու պահից երկու օրվա ընթացքում տնօրենը՝ այդ գրությունը կամ դրա ամբողջական տեքստը ներառող ծանուցումը պատվիրված նամակով ուղարկում է կամ համապատասխան ստորագրությամբ առձեռն հանձնում է Ընկերության մյուս բաժնետերերին: Պատվիրված նամակի ուղարկման կամ առձեռն հանձնման ամսաթիվը համարվում է բաժնետոմսերի վաճառքի առաջարկման օր:

Եթե բաժնետերերը համաձայնվում են ձեռք բերել առաջարկվող բաժնետոմսերը, ապա դրանք բաշխվում են՝

- 1) բաժնետոմսերի գնման հայտերով որոշվող համամասնությամբ, եթե այդ հայտերում նշված բաժնետոմսերի գումարային քանակը չի գերազանցում առաջարկվող բաժնետոմսերի գումարային քանակին,

- 2) բաժնետոմսերի գնման հայտեր ներկայացրած բաժնետերերի միջև՝ նրանց կողմից ձեռք բերված համաձայնության շրջանակներում որոշված համամասնությամբ, կամ
- 3) բաժնետերերի միջև համամասնորեն, ըստ՝ կանոնադրական կապիտալում իրենց մասնակցության տեսակարար կշռի:

Այն դեպքում, երբ բաժնետոմսերը համամասնորեն բաշխելիս յուրաքանչյուր բաժնետիրոջը բաժին է ընկնում ոչ ամբողջական թվով (կոտորակային) բաժնետոմսեր, Ընկերության ժողովը որոշում է ընդունում բաժնետոմսերի անվանական արժեքի փոփոխման մասին, այնպես, որ յուրաքանչյուր բաժնետիրոջը բաժին ընկնի ամբողջական թվով բաժնետոմսեր:

Եթե բաժնետերերը տնօրենի կողմից ծանուցումն ուղարկելու կամ առձեռն հանձնելու պահից սկսած 30 կամ բաժնետիրոջ կողմից ծանուցումը տնօրենին ուղարկելու պահից սկսած 32 օրվա ընթացքում իրենց նախապատվության իրավունքից օգտվելու մտադրության մասին գրավոր ծանուցում չեն ուղարկում Ընկերությանը, ապա տնօրենի պահանջով կամ սեփական նախաձեռնությամբ Ընկերության խորհուրդը հրավիրում է արտահերթ ժողով, որի օրակարգում ընդգրկվում է Ընկերության կողմից բաժնետոմսերը ձեռք բերելու կամ հրաժարվելու հարցը: Ընկերության կողմից բաժնետոմսերը ձեռք բերելուց հրաժարվելու դեպքում, բաժնետոմսերը կարող են օտարվել երրորդ անձանց:

Բաժնետերն իրավունք ունի վաճառքի առաջարկված բաժնետոմսերը վաճառել Ընկերության այն բաժնետերերին, ովքեր մինչև սույն կետով սահմանված ժամկետի ավարտը ներկայացրել են բաժնետոմսերի գնման հայտ, եթե միաժամանակ առկա է նաև Ընկերության այլ բաժնետերերի կողմից իրենց նախապատվության իրավունքի հրաժարման մասին գրավոր հայտարարություն ուղված Ընկերության տնօրենին կամ վաճառող բաժնետիրոջը: Առաջարկ ներկայացրած բաժնետերը գնման հայտի կամ հայտերի առկայության դեպքում, չի կարող միակողմանիորեն հետ կանչել իր առաջարկը, բացառությամբ ՀՀ քաղաքացիական օրենսգրքի 452-րդ հոդվածով սահմանված դեպքերի:

Եթե սույն կետով սահմանված ժամկետի ավարտից հետո ոչ մի բաժնետեր չի ներկայացրել գնման հայտ և Ընկերությունը որոշում է կայացրել չգնել առաջարկվող բաժնետոմսերը, ապա բաժնետերն իրավունք ունի վաճառքի առաջարկված բաժնետոմսերը վաճառել երրորդ անձի: Բաժնետերը չի կարող բաժնետոմսերը վաճառել երրորդ անձանց ավելի ցածր գնով և այլ նպաստավոր պայմաններով, քան առաջարկվել է մյուս բաժնետերերին և Ընկերությանը:

Սույն կետի դրույթները չեն տարածվում բաժնետոմսերի փոխանցման այն դեպքերի վրա, որոնք կատարվում են ժառանգության հիմքերով բաժնետոմսերն այլ անձանց անցնելու կանոններով՝ ՀՀ քաղաքացիական օրենսգրքի 11-րդ բաժնով սահմանված ժառանգական իրավունքի կանոններով: Մեկից ավելի ժառանգների առկայության դեպքում, ժառանգության զանգվածի մեջ մտնող բաժնետոմսերը բաշխվում են նրանց միջև հավասարաչափ և համամասնորեն, եթե ժառանգների համաձայնությամբ բաշխման այլ համամասնություն որոշված չէ:

21. Եթե բաժնետոմսերի օտարման արդյունքում անձի՝ ձայնի իրավունք տվող մասնակցությունը նվազում է 10, 20, 50 կամ 75 տոկոսից կամ 10 և ավելի տոկոսով կամ նա դադարում է հսկել Ընկերությանը, ապա նա պարտավոր է բաժնետոմսերի օտարման մասին «Ներդրումային ֆոնդերի մասին» ՀՀ օրենքով սահմանված կարգով տեղեկացնել ՀՀ կենտրոնական բանկին:
22. Եթե անձը Ընկերության կանոնադրական կապիտալում ձեռք է բերում նշանակալից՝ ուղղակի կամ անուղղակի մասնակցություն կամ ավելացնում է իր բաժնետոմսերի քանակն այնպես, որ Ընկերության կանոնադրական կապիտալում նրա՝ ձայնի իրավունք տվող մասնակցությունը կկազմի առնվազն 20, 50 կամ 75 տոկոս, ապա նա՝ «Ներդրումային ֆոնդերի մասին» ՀՀ օրենքով սահմանված կարգով, պետք է ստանա ՀՀ կենտրոնական բանկի նախնական համաձայնությունը: Այդ դեպքում, սույն կանոնադրության 20 կետով սահմանված նախապատվության իրավունքի իրականացման ժամկետի հաշվարկը սկսվում է ՀՀ կենտրոնական բանկի նախնական համաձայնությունը ստանալու օրվանը հաջորդող օրից:
23. Բաժնետոմսի սեփականատեր հանդիսացող բաժնետերն իրավունք ունի՝
 - 1) մասնակցել ժողովին՝ վերջինիս իրավասությանը պատկանող բոլոր հարցերի նկատմամբ

- ձայնի իրավունքով.
- 2) մասնակցել Ընկերության կառավարմանը.
 - 3) ստանալ շահութաբաժիններ Ընկերության գործունեությունից առաջացած շահույթից.
 - 4) առաջնահերթ կարգով ձեռք բերել Ընկերության կողմից տեղաբաշխվող բաժնետոմսերը, եթե այլ բան նախատեսված չէ օրենքով.
 - 5) ստանալ Ընկերության գործունեության վերաբերյալ ցանկացած տեղեկատվություն (գաղտնի փաստաթղթերից բացի), այդ թվում, Ընկերությանը դիմելուց հետո 5-օրյա ժամկետում ստանալ տեղեկություններ, որոնք վերաբերում են հաշվապահական հաշվեկշիռին, հաշվետվություններին և Ընկերության գործունեությանը.
 - 6) ժողովում իր իրավունքները ներկայացնելու համար լիազորել երրորդ անձի.
 - 7) հանդես գալ առաջարկություններով ժողովում.
 - 8) ժողովում քվեարկել իրեն պատկանող բաժնետոմսերի ձայների չափով.
 - 9) դիմել դատարան՝ ժողովի կողմից ընդունված և գործող օրենքներին ու իրավական ակտերին հակասող որոշումների բողոքարկման նպատակով.
 - 10) Ընկերության լուծարման դեպքում ստանալ Ընկերության գույքի իր հասանելիք մասը.
 - 11) Ընկերության միջոցների հաշվին Ընկերության կանոնադրական կապիտալի ավելացման դեպքում անվճար ստանալ համապատասխան քանակությամբ բաժնետոմսեր.
 - 12) ունենալ կանոնադրությամբ նախատեսված այլ իրավունքներ:
24. Ընկերության կանոնադրական կապիտալի առնվազն 10 տոկոս կազմող ձայնի իրավունք տվող բաժնետոմսերին տիրող բաժնետերերը կարող են պահանջել Ընկերության ֆինանսատնտեսական գործունեության ստուգում՝ արտաքին աուդիտորի կողմից: Այդ դեպքում աուդիտորի ծառայությունները վճարում են ստուգում պահանջող բաժնետերերը:
25. Ընկերության բաժնետերը պարտավոր է՝
- 1) Ընկերության ձայնի իրավունք տվող 10 և ավելի տոկոս բաժնետոմսերի տիրապետման դեպքում Ընկերությանը հայտարարություն ներկայացնել իր հետ փոխկապակցված անձանց մասին.
 - 2) Ընկերությանը հայտարարություն ներկայացնել այն մասին, որ իր մասնակցության միջոցով որևէ այլ անձ Ընկերությունում անուղղակի նշանակալից մասնակցություն ունեցող անձի կարգավիճակ ձեռք չի բերում, հակառակ դեպքում՝ ներկայացնել նաև անուղղակի նշանակալից մասնակցություն ձեռք բերող անձանց վերաբերյալ ՀՀ կենտրոնական բանկի սահմանած փաստաթղթերը՝ նախնական համաձայնություն ստանալու համար.
 - 3) Ընկերությանը ներկայացնել նշանակալից մասնակցության ձեռքբերման համար օգտագործվող միջոցների ծագման օրինականությունը բացահայտող բավարար և ամբողջական հիմնավորումներ (տեղեկություններ, փաստաթղթեր և այլն).
 - 4) կատարել օրենքի, այլ իրավական ակտերի և սույն կանոնադրության պահանջները:

V. ԸՆԿԵՐՈՒԹՅԱՆ ՀԻՄՆԱԴՐԱՄՆԵՐԸ

26. Ընկերությունում ստեղծվում է պահուստային հիմնադրամ՝ կանոնադրական կապիտալի 15 տոկոսի չափով: Եթե պահուստային հիմնադրամը կազմում է նշված չափից ավելի փոքր մեծություն, հատկացումները այդ հիմնադրամին կատարվում են շահույթից՝ առնվազն 5 տոկոսի չափով, ինչպես նաև Ընկերության նոր արժեթղթերի թողարկման արժեքի և դրանց անվանական արժեքի միջև եղած տարբերությունից ստացվող միջոցները: Պահուստային հիմնադրամը օգտագործվում է Ընկերության կորուստները (վնասները) ծածկելու, պարտատոմսերը մարելու և բաժնետոմսերը հետ գնելու համար, եթե Ընկերության շահույթը և այլ միջոցները դրա համար չեն բավարարում: Պահուստային հիմնադրամը չի կարող օգտագործվել այլ նպատակների համար:
27. Ընկերությունը՝ բաժնետերերի ընդհանուր ժողովի որոշմամբ, կարող է ստեղծել նաև այլ հիմնադրամներ, որոնք կօգտագործվեն, սոցիալական, մշակույթային, բարեգործական, աշխատանքի խրախուսման կամ այլ նպատակների համար:

VI. ԸՆԿԵՐՈՒԹՅԱՆ ՇԱՀՈՒԹԱՔԱԺԻՆՆԵՐԸ

28. Ընկերությունը պարտավոր է վճարել շահութաբաժիններ, եթե որոշում է ընդունել (հայտարարել է)

տեղաբաշխված բաժնետոմսերի դիմաց շահութաբաժիններ վճարելու մասին: Շահութաբաժինները վճարվում են Հայաստանի Հանրապետության դրամով, այլ գույքով, այդ թվում՝ Ընկերության բաժնետոմսերով, իսկ իրավական ակտերով թույլատրվող դեպքերում՝ նաև արտարժույթով: Շահութաբաժինները վճարվում են Ընկերության զուտ շահույթից (կուտակված շահույթից):

29. Բաժնետոմսերի տարեկան շահութաբաժինների վճարման և շահութաբաժնի չափի մասին որոշումը ընդունվում է Ընկերության բաժնետերերի ընդհանուր ժողովի կողմից՝ Ընկերության խորհրդի առաջարկությամբ: Միջանկյալ (եռամսյակային և կիսամյակային) շահութաբաժինների վճարման և շահութաբաժնի չափի մասին որոշումը ընդունվում է Ընկերության խորհրդի կողմից:
30. Տարեկան շահութաբաժինների չափը չի կարող ավելի լինել խորհրդի առաջարկածից և պակաս լինել՝ արդեն վճարված միջանկյալ շահութաբաժինների չափից:
31. Տարեկան շահութաբաժինների վճարման ժամկետը որոշվում է Ընկերության բաժնետերերի ընդհանուր ժողովի կողմից, սակայն ոչ ուշ քան յուրաքանչյուր ֆինանսական տարվա հուլիսի 1-ից և ավարտվում՝ շահութաբաժինների վճարման պարտավորության կատարմամբ: Միջանկյալ շահութաբաժինների վճարման ժամկետը սահմանվում է խորհրդի կողմից՝ միջանկյալ շահութաբաժիններ վճարելու մասին որոշմամբ, բայց ոչ շուտ, քան տվյալ որոշման ընդունման պահից 30 օր անց:

VII. ԸՆԿԵՐՈՒԹՅԱՆ ԲԱԺՆԵՏԵՐԵՐԻ ԵՎ ԱՅԼ ԱՐԺԵԹՂԹԵՐԻ ՍԵՓԱԿԱՆԱՏԵՐԵՐԻ ՌԵՏԵՍՐԸ

32. Ընկերությունը պարտավոր է ապահովել ռեեստրի՝ Հայաստանի Հանրապետության իրավական ակտերով սահմանված կարգով վարումը և պահպանումը:
33. Եթե Ընկերությունը օրենքով և այլ իրավական ակտերով սահմանված կարգով իրավունք ունի վարելու անվանական արժեթղթերի սեփականատերերի ռեեստր, ապա այն վարվում և պահպանվում է Ընկերությունում, հակառակ դեպքում այն հանձնվում է մասնագիտացված կազմակերպությանը: Ընկերության արժեթղթերի սեփականատերերը պարտավոր են Ընկերության ռեեստրը վարողին ժամանակին տեղեկացնել իրենց վերաբերող տվյալների փոփոխության մասին: Նշված տվյալները ժամանակին չներկայացնելու դեպքում Ընկերությունը պատասխանատվություն չի կրում բաժնետիրոջը, ինչպես նաև Ընկերության այլ արժեթղթերի սեփականատիրոջը պատճառված վնասի համար:
34. Ռեեստրի վարումը, դրանում գրառումների կատարումը և արժեթղթերի սեփականատերերի արժեթղթերի հաշիվների սպասարկումը կատարվում է օրենքի և այլ իրավական ակտերի համաձայն:

VIII. ԸՆԿԵՐՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԻ ԿԱՌՈՒՑՎԱԾՔԸ

35. Ընկերության բաժնետերերի ընդհանուր ժողովը կառավարման բարձրագույն մարմինն է: Ընկերությունը պարտավոր է ամեն տարի գումարել բաժնետերերի ընդհանուր տարեկան ժողով ֆինանսական տարվա ավարտից հետո՝ փետրվար ամսից մինչև հուլիս ամիսը ընկած ժամկետում: Բաժնետերերի տարեկան ժողովից բացի գումարվող Ընկերության բաժնետերերի ընդհանուր ժողովները համարվում են արտահերթ: Ընկերության արտահերթ ժողովներ գումարվում են անհետաձգելի հարցերի քննարկման համար:
36. Ընկերության բաժնետերերի ընդհանուր ժողովի (այսուհետև՝ ժողովի) իրավասությունները՝
 - 1) Ընկերության կանոնադրության հաստատումը, դրա մեջ փոփոխությունների և լրացումների կատարումը, Ընկերության կանոնադրության հաստատումը նոր խմբագրությամբ (մասնակցող ձայների 3/4-ով),
 - 2) Ընկերության վերակազմակերպումը (մասնակցող ձայների 3/4-ով),
 - 3) Ընկերության լուծարումը (մասնակցող ձայների 3/4-ով, բայց ոչ պակաս քվեարկող բաժնետոմսերի սեփականատերերի ձայների 2/3-ից),
 - 4) լուծարային հանձնաժողովի նշանակումը, միջանկյալ, ամփոփիչ և լուծարման հաշվեկշիռների հաստատումը (մասնակցող ձայների 3/4-ով),
 - 5) հայտարարված բաժնետոմսերի ծավալի առավելագույն չափի սահմանումը (մասնակցող

- ձայների 3/4-ով).
- 6) խորհրդի քանակական կազմի հաստատումը, դրա անդամների ընտրությունը և նրանց լիազորությունների վաղաժամկետ դադարեցումը.
 - 7) բաժնետոմսերի անվանական արժեքի փոքրացման, բաժնետոմսերի ընդհանուր քանակի կրճատման նպատակով Ընկերության կողմից տեղաբաշխված բաժնետոմսերի ձեռքբերման, ինչպես նաև Ընկերության կողմից ձեռք բերված կամ հետ գնված բաժնետոմսերի մարման ճանապարհով կանոնադրական կապիտալի չափի նվազեցումը (մասնակցող ձայների 3/4-ով, բայց ոչ պակաս քվեարկող բաժնետոմսերի սեփականատերերի ձայների 2/3-ից).
 - 8) ժողովի վարման կարգի հաստատումը.
 - 9) Ընկերության արտաքին աուդիտն իրականացնող անձի հաստատումը.
 - 10) Ընկերության տարեկան հաշվետվությունների, հաշվապահական հաշվեկշիռների, շահույթների և վնասների բաշխման հաստատումը, ինչպես նաև տարեկան շահութաբաժինների վճարման մասին որոշման ընդունումը և տարեկան շահութաբաժինների չափի հաստատումը.
 - 11) Ընկերության խորհրդի անդամների վարձատրության պայմանների որոշումը.
 - 12) Ընկերության բաժնետոմսերի կամ բաժնետոմսերի փոխարկվող Ընկերության այլ արժեթղթերի Ընկերության բաժնետերերի նախապատվության իրավունքը չկիրառելու մասին որոշման ընդունումը.
 - 13) օրենքով նախատեսված դեպքերում շահագրգռվածության առկայությամբ գործարքների կնքումը.
 - 14) օրենքով նախատեսված դեպքերում Ընկերության գույքի օտարման և ձեռքբերման հետ կապված խոշոր գործարքների կնքումը (մասնակցող ձայների 3/4-ով).
 - 15) օրենքով և սույն կանոնադրությամբ սահմանված այլ որոշումների ընդունումը:
37. Սույն կանոնադրության 36 կետով սահմանված հարցերով որոշումների ընդունումը վերապահվում է ժողովի բացառիկ իրավասությանը և չի կարող փոխանցվել Ընկերության խորհրդին կամ գործադիր մարմնին: Ժողովն իրավունք չունի քննարկել և որոշումներ ընդունել այն հարցերի շուրջ, որոնք «Բաժնետիրական ընկերությունների մասին» ՀՀ օրենքով չեն սահմանվել որպես նրա իրավասություն:
38. Ժողովի որոշումներն ընդունվում են ժողովին մասնակցող՝ ձայնի իրավունք տվող (քվեարկող) բաժնետոմսերի սեփականատերերի ձայների պարզ մեծամասնությամբ, եթե «Բաժնետիրական ընկերությունների մասին» Հայաստանի Հանրապետության օրենքով կամ սույն կանոնադրությամբ ձայների ավելի շատ քանակ սահմանված չէ: Ժողովի կողմից ընդունված որոշումները, ինչպես նաև քվեարկության արդյունքները որոշում ընդունելու պահից 45 օրվա ընթացքում պետք է ներկայացվեն բաժնետերերին՝ նրանց պատվիրված նամակներ ուղարկելու կամ առձեռն հանձնելու միջոցով:
39. Ժողովի որոշումները կարող են ընդունվել հեռակա քվեարկությամբ (հարցման միջոցով): Տարեկան ժողովը, ինչպես նաև «Բաժնետիրական ընկերությունների մասին» Հայաստանի Հանրապետության օրենքի 67 հոդվածի 1-ին կետի «ժ» ենթակետով սահմանված դեպքում հրավիրված ժողովը չի կարող անցկացվել հեռակա կարգով քվեարկությամբ: Հեռակա կարգով քվեարկությամբ ընդունված ժողովի որոշումն օրինական ուժ ունի, եթե քվեարկությանը մասնակցել են Ընկերության ձայնի իրավունք տվող բաժնետոմսերի սեփականատերերի կեսից ավելին և որոշումն ընդունվել է սույն կանոնադրության 36, 37 և 38 կետերի պահանջներին համապատասխան: Հեռակա կարգով քվեարկության ժամանակ քվեաթերթիկները պետք է տրամադրվեն բաժնետերերին՝ լրացրած քվեաթերթիկները Ընկերության կողմից ընդունելու ավարտելու պահից առնվազն 30 օր շուտ:
40. Ժողովին մասնակցելու իրավունք ունեն Ընկերության տեղաբաշխված բաժնետոմսերի սեփականատեր հանդիսացող բաժնետերերը (անվանատերերը), իրենց պատկանող բաժնետոմսերի քանակին և անվանական արժեքին համապատասխան ձայների քանակով: Խորհրդակցական ձայնի իրավունքով ժողովին կարող են մասնակցել նաև Ընկերության բաժնետեր չհանդիսացող Ընկերության խորհրդի, գործադիր մարմնի անդամները, ինչպես նաև

Ընկերության ներքին աուդիտորը և աուդիտն իրականացնող անձը (եթե նրա եզրակացությունն առկա է գումարվող ժողովի նյութերում), իսկ օրենքով նախատեսված դեպքերում նաև այլ անձինք:

41. Ժողովին մասնակցելու իրավունք ունեցող բաժնետերերի ցուցակը կազմվում է Ընկերության խորհրդի կողմից սահմանված տարվա, ամսվա, ամսաթվի դրությամբ՝ Ընկերության բաժնետերերի ռեստորի տվյալների հիման վրա: Ընկերության բաժնետերերը, ինչպես նաև ժողովում խորհրդակցական ձայնի իրավունքով մասնակցելու իրավունք ունեցող անձինք ծանուցվում են ժողովի գումարման մասին՝ նրանց պատվիրված նամակով համապատասխան գրավոր ծանուցում ուղարկելու կամ ծանուցումն առձեռն հանձնելու միջոցով: Ժողովի գումարման մասին գրավոր ծանուցումը պետք է ուղարկվի կամ առձեռն հանձնվի ժողովի գումարման օրվանից առնվազն 5 օր առաջ, եթե օրենքով ավելի երկար ժամկետ սահմանված չէ:
42. Քվեարկությունը ընդհանուր ժողովում իրականացվում է «Ընկերության մեկ քվեարկող բաժնետոմս՝ մեկ ձայն» սկզբունքով: Ժողովում քվեարկությունները կատարվում են քվեաթերթիկների միջոցով, իսկ մինչև 50 բաժնետեր ունենալու դեպում՝ առանց քվեաթերթիկների: Եթե քվեարկությունները կատարվել են առանց քվեաթերթիկների, ապա ժողովի արձանագրությունները կարող են ստորագրվել նաև ժողովին մասնակցած բաժնետերերի կողմից:
43. Ընկերությունն ունի խորհուրդ, որն իրականացնում է Ընկերության գործունեության ընդհանուր ղեկավարումը, բացառությամբ այն հարցերի, որոնք «Ներդրումային ֆոնդերի մասին» և «Բաժնետիրական ընկերությունների մասին» Հայաստանի Հանրապետության օրենքներով և սույն կանոնադրությամբ վերապահված են ժողովի բացառիկ իրավասությանը:
44. Խորհրդի բացառիկ իրավասությանն են պատկանում՝
 - 1) ֆոնդի ստեղծման և կառավարման մասին որոշման կայացումը.
 - 2) կառավարչի ստեղծած կամ նրա կողմից կառավարվող պայմանագրային ֆոնդի կանոնների և դրանցում կատարված փոփոխությունների և լրացումների հաստատումը.
 - 3) կառավարչի՝ որպես ֆոնդի նոր կառավարիչ հանդես գալու դեպքում այդ ֆոնդի կանոնների ընդունումը.
 - 4) կառավարչի ստեղծած կամ նրա կողմից կառավարվող պայմանագրային ֆոնդի պահառության պայմանագրի՝ պահառուի հետ փոխհամաձայնեցված փոփոխության մասին որոշման կայացումը.
 - 5) կառավարչի կողմից կառավարվող պայմանագրային ֆոնդի միացման և դադարեցման մասին որոշումների կայացումը.
 - 6) «Ներդրումային ֆոնդերի մասին» ՀՀ օրենքով նախատեսված դեպքում ֆոնդի կառավարման պայմանագրից միակողմանի հրաժարման մասին որոշման կայացումը.
 - 7) տարեկան և արտահերթ ժողովների գումարումը.
 - 8) ժողովների օրակարգի հաստատումը.
 - 9) ժողովներին մասնակցելու իրավունք ունեցող բաժնետերերի ցուցակը կազմելու տարվա, ամսվա, ամսաթվի հաստատումը, ինչպես նաև բոլոր այն հարցերի լուծումը, որոնք կապված են ժողովների նախապատրաստման ու գումարման հետ և վերապահված են խորհրդի իրավասությանը՝ «Բաժնետիրական ընկերությունների մասին» Հայաստանի Հանրապետության օրենքի դրույթների համապատասխան.
 - 10) սույն կանոնադրության 36 կետի 2), 11), 12), 13), և 14) ենթակետերով նախատեսված հարցերի ներկայացումը ժողովի քննարկմանը.
 - 11) գույքի շուկայական արժեքի որոշումը՝ «Բաժնետիրական ընկերությունների մասին» Հայաստանի Հանրապետության օրենքով սահմանված կարգով.
 - 12) «Բաժնետիրական ընկերությունների մասին» Հայաստանի Հանրապետության օրենքով նախատեսված կարգով և դեպքերում Ընկերության տեղաբաշխված բաժնետոմսերի, պարտատոմսերի և այլ արժեթղթերի ձեռքբերումը.
 - 13) Նոր տեսակի գործիքում ներդրում կատարելու վերաբերյալ որոշման կայացումը.
 - 14) Ընկերության գլխավոր գործադիր տնօրենի նշանակումը և վարձատրության չափի որոշումը, նրա լիազորությունների վաղաժամկետ դադարեցումը.

- 15) Ընկերության ներքին աուդիտորի նշանակումը և վարձատրության չափի որոշումը, նրա լիազորությունների վաղաժամկետ դադարեցումը.
 - 16) Ընկերության արտաքին աուդիտն իրականացնող անձի վճարման չափի սահմանումը.
 - 17) Ընկերության բաժնետոմսերի դիմաց վճարվող տարեկան շահութաբաժինների չափի և վճարման կարգի վերաբերյալ ժողովին առաջարկությունների նախապատրաստումը.
 - 18) Ընկերության բաժնետոմսերով վճարվող միջանկյալ շահութաբաժինների չափի և վճարման կարգի սահմանումը.
 - 19) Ընկերության պահուստային և այլ հիմնադրամների օգտագործումը.
 - 20) Ընկերության կառավարման մարմինների գործունեությունը կանոնակարգող ներքին փաստաթղթերի հաստատումը.
 - 21) Ընկերության մասնաճյուղերի և ներկայացուցչությունների, հիմնարկների ստեղծումը.
 - 22) «Բաժնետիրական ընկերությունների մասին» Հայաստանի Հանրապետության օրենքով սահմանված դեպքերում գործարքների կնքումը.
 - 23) Ընկերության վարչակազմակերպական կառուցվածքի հաստատումը.
 - 24) գործարար ծրագրերի, ամենամյա ծախսերի նախահաշվի (տարեկան բյուջեի) և դրա կատարողականի հաստատումը.
 - 25) Ընկերության հաստիքացուցակի հաստատումը,
 - 26) «Ներդրումային ֆոնդերի մասին» և «Բաժնետիրական ընկերությունների մասին» Հայաստանի Հանրապետության օրենքներով և սույն կանոնադրությամբ իր իրավասությանը վերապահված այլ հարցերի լուծումը:
45. Խորհրդը բաղկացած է առնվազն երեք անդամներից, ովքեր ընտրվում են երեք տարի ժամկետով՝ տարեկան ժողովի կամ անդամների լիազորությունները վաղաժամկետ դադարեցնելու դեպքում՝ արտահերթ ժողովի կողմից: Երեք անդամներից առնվազն մեկը անկախ անդամ է: Ընկերության տնօրենների խորհրդի անդամների ընտրության, լիազորությունների վաղաժամկետ դադարեցման և գործունեության կարգը սահմանվում է խորհրդի կանոնակարգով, որը հաստատվում է ժողովի կողմից:
46. Խորհրդի նախագահին ընտրում են խորհրդի անդամները, խորհրդի անդամների կազմից՝ իրենց ընդհանուր թվի ձայների մեծամասնությամբ: Խորհուրդը կարող է ցանկացած ժամանակ վերընտրել նախագահին կամ ընտրել նոր նախագահ՝ խորհրդի անդամների ձայների պարզ մեծամասնությամբ: Խորհրդի նախագահը կամ նրա պարտականությունները կատարող խորհրդի անդամը նախագահում է ժողովներում, բացառությամբ ժողովի վարման կարգով նախատեսված դեպքերի:
47. Խորհրդի նիստերը գումարվում են ըստ անհրաժեշտության, սակայն ոչ պակաս քան երեք ամիսը մեկ անգամ՝ խորհրդի նախագահի նախաձեռնությամբ, խորհրդի անդամի, ներքին աուդիտորի, գործադիր մարմնի, Ընկերության աուդիտն իրականացնող անձի, ինչպես նաև քվեարկող բաժնետոմսերի 10 և ավելի տոկոսին տիրապետող բաժնետերերի պահանջով:
48. Խորհրդի նիստերում նախագահում է խորհրդի նախագահը: Խորհրդի նախագահի բացակայության դեպքում նրա պարտականությունները խորհրդի որոշմամբ կատարում է խորհրդի անդամներից մեկը: Խորհրդի նիստերի քվորումը ապահովվում է, եթե նիստին մասնակցում կամ հեռակա կարգով քվեարկում են խորհրդի բոլոր անդամների 2/3-ը: Խորհրդի որոշումներն ընդունվում են նիստին ներկա անդամների ձայների պարզ մեծամասնությամբ, եթե օրենքով կամ սույն կանոնադրությամբ այլ բան նախատեսված չէ: Քվեարկության ժամանակ խորհրդի յուրաքանչյուր անդամ ունի միայն մեկ ձայն: Ձայնի կամ քվեարկության իրավունքի փոխանցում չի թույլատրվում: Ձայների հավասարության դեպքում խորհրդի նախագահի ձայնը որոշիչ է:
49. Եթե խորհրդի անդամների թիվը նվազում է 3-ից, ապա Ընկերությունը պետք է այն լրացնելու նպատակով արտահերթ ժողով գումարի, որի մասին որոշումը կայացնում է խորհուրդը:
50. Ընկերության ընթացիկ գործունեության ղեկավարումն իրականացնում է Ընկերության միանձնյա գործադիր մարմինը՝ գլխավոր գործադիր տնօրենը (տնօրենը): Ընկերության գլխավոր գործադիր

տնօրենի իրավասությանն են պատկանում Ընկերության ընթացիկ գործունեության կառավարման բոլոր հարցերը, բացառությամբ ժողովի և խորհրդի իրավասություն հանդիսացող հարցերի: Խորհրդի կողմից Ընկերության տնօրենին նշանակելուց հետո, Ընկերությունը նրա հետ կնքում է պայմանագիր, որը Ընկերության անունից ստորագրում է խորհրդի նախագահը, օրենքով սահմանված դեպքում՝ խորհրդի այլ անդամը:

51. Ընկերության գլխավոր գործադիր տնօրենը (տնօրենը)՝

- 1) տնօրինում է Ընկերության գույքը, այդ թվում ֆինանսական միջոցները, գործարքներ է կնքում Ընկերության անունից.
- 2) վարում է Ընկերության սեփական ակտիվների, իր կողմից կառավարվող յուրաքանչյուր ֆոնդի ակտիվների ու արժեթղթերի փաթեթի առանձնացված հաշվառում,
- 3) մշակում է Ընկերության քաղաքականությունները, ռազմավարությունը, նպատակները, գործարար ծրագրերը, ֆոնդերի կանոնները և ներկայացնում խորհրդի հաստատմանը,
- 4) ապահովում է օրենսդրությամբ և Ընկերության իրավական ակտերով նախատեսված կարգով Ընկերության կառավարման ներքո գտնվող յուրաքանչյուր ֆոնդի ակտիվների զուտ արժեքի որոշումը,
- 5) առանց լիազորագրի գործում է Ընկերության անունից.
- 6) ներկայացնում է Ընկերությունը Հայաստանի Հանրապետությունում և արտասահմանում.
- 7) սահմանված կարգով կնքում է պայմանագրեր, այդ թվում աշխատանքային.
- 8) տալիս է լիազորագրեր.
- 9) Բանկերում, պահառու կազմակերպություններում և դեպոզիտարիաներում բացում է Ընկերության հաշվարկային (այդ թվում՝ արտարժույթային) և այլ հաշիվներ.
- 10) խորհրդի հաստատմանն է ներկայացնում Ընկերության աշխատանքային ներքին կանոնակարգը, առանձնացված ստորաբաժանումների կանոնակարգերը, Ընկերության վարչակազմակերպական կառուցվածքը, հաստիքացուցակը և այլ ներքին իրավական ակտերը.
- 11) իր իրավասության սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում դրանց կատարումը.
- 12) օրենքով և սույն կանոնադրությամբ սահմանված կարգով աշխատանքի է ընդունում և աշխատանքից ազատում Ընկերության աշխատակիցներին, ինչպես նաև աշխատակիցների նկատմամբ կիրառում է խրախուսման և կարգապահական պատասխանատվության միջոցներ.
- 13) իրականացնում է Ընկերության ներքին ակտերով և օրենքով սահմանված այլ գործառույթներ:

52. Ընկերության անվանմամբ կլոր կնիքը գտնվում է Ընկերության տնօրենի տիրապետման ներքո: Դրա օգտագործման իրավասությունը պատկանում է միայն տնօրենին կամ նրա կողմից լիազորված անձին:

53. Ընկերության ֆոնդերի կառավարման գործունեության, ներառյալ՝ ֆինանսատնտեսական գործունեության նկատմամբ հսկողությունն իրականացնում է ներքին աուդիտորը: Ընկերության ներքին աուդիտորը ղեկավարվում է օրենքով և Ընկերության ներքին իրավական ակտերով:

54. Ընկերության և նրա կողմից կառավարվող ֆոնդի ֆինանսատնտեսական գործունեությունը՝ յուրաքանչյուր տարի, պետք է ենթարկվի աուդիտորական ստուգման՝ անկախ աուդիտ իրականացնող անձի կողմից (արտաքին աուդիտ):

IX. ՀԱՇՎԱՌՈՒՄԸ ԵՎ ՀԱՇՎԵՏՎՈՒԹՅՈՒՆՆԵՐԸ

55. Ընկերությունը պարտավոր է օրենքով և այլ իրավական ակտերով սահմանված կարգով և ժամկետներում հրապարակել իր տարեկան և միջանկյալ ֆինանսական հաշվետվությունները, աուդիտորական եզրակացությունը, ինչպես նաև կազմել, հրապարակել և ՀՀ Կենտրոնական բանկ ներկայացնել իր կողմից կառավարվող յուրաքանչյուր ֆոնդի տարեկան և միջանկյալ հաշվետվությունները:

56. Ընկերությունը բաժնետերերի պահանջով պարտավոր է նրանց հնարավորություն ընձեռել:

ծանոթանալու Ընկերությանը վերաբերող փաստաթղթերին և հնգօրյա ժամկետում նրանց տրամադրել փաստաթղթերի պատճենը, բացառությամբ գաղտնի տեղեկությունների և Ընկերության գործադիր մարմնի հրամանների և հրահանգների: Գաղտնի տեղեկությունների ցանկը սահմանում է խորհուրդը:

- 57. Ընկերությունը պարտավոր է ֆոնդի մասնակցի առաջին իսկ պահանջով նրան տրամադրել ցանկացած տեղեկատվություն, որը ենթակա է հրապարակման օրենքով և այլ իրավական ակտերով սահմանված կարգով:
- 58. Ընկերությունը պարտավոր է հրապարակել օրենքով սահմանված պարտադիր հրապարակման ենթակա այլ տեղեկատվություններ:

X. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

- 59. Ընկերությունը կարող է վերակազմակերպվել բացառապես մեկ այլ կառավարչի միանալու կամ վերակազմավորման միջոցով:
- 60. Ընկերության վերակազմակերպումն իրականացվում է ՀՀ քաղաքացիական օրենսգրքով, «Ներդրումային ֆոնդերի մասին» ՀՀ օրենքով և այլ օրենքներով սահմանված կարգով:
- 61. Ընկերության լուծարումը հանգեցնում է Ընկերության դադարմանը առանց Ընկերության իրավունքների և պարտականությունների իրավահաջորդության կարգով այլ անձանց փոխանցման: Ընկերության լուծարումն իրականացվում է օրենքով և ՀՀ կենտրոնական բանկի իրավական ակտերով սահմանված հիմքերով և կարգով:

XI. ԵԶՐԱՓՎԱԿԻՉ ՄԱՍ ԵՎ ԱՆՑՈՒՄԱՅԻՆ ԴՐՈՒՅԹՆԵՐ

- 62. Եթե Ընկերության ձայնի իրավունք տվող բաժնետոմսերի սեփականատերերի քանակը չի գերազանցում 10-ը, ապա «Բաժնետիրական ընկերությունների մասին» Հայաստանի Հանրապետության օրենքի 62, 63, 64 և 65 հոդվածներով սահմանված նորմերի պահանջները չեն կիրառվում:
- 63. Ընկերության ստեղծման պահին Ընկերության տեղաբաշխված բաժնետոմսերը սեփականության իրավունքով ամբողջությամբ (100%-ով) պատկանում են մեկ անձի:
- 64. Սույն կանոնադրությունն այլ (երրորդ) անձանց համար ուժի մեջ է մտնում՝ դրա պետական գրանցման պահից: